



Vi ŝatas ekkoni fermdajn landojn kaj kulturojn?

Vi preferas ligi esperantumadon kun aliaj impresoj?

Vin logas tio, kion Vi ne ankoraŭ konas?

NI HAVAS BONAN PROPONON POR VI —

**LA 41-a ILEI KONFERENCO DE ILEI EN BENINO,
KONTENTIGOS VIAJN BEZONOJN PRI**

■ **NOVAJ PERSONAJ KONTAKTOJ KAJ**

■ **ABUNDA EKSKURSA PROGRAMO KAJ KULTURO**

Afriko de proksime —

ĝia kulturo malfermiĝos tuj antaŭ Viaj okuloj!

Dum la konferenco vi povos partopreni ne nur en **prelegoj** proponitaj de niaj samideanoj, sed ankaŭ ĝui **specialan kulturen programon**, kiu helpas pli bone ekkoni de proksime Beninon kaj Afrikon ĝenerale. Dum la konferenco ni okazigos ekskursojn kaj konatiĝos kun loka kulturo.

Vi estas invitataj partopreni **ekskursojn** al:

DT1: ADJARRA (*la 30an de julio, merkredo, je la 15-18a horo, 12,00 EUR*) estas metiista vilaĝo kiu situas norde de Portonovo. Per aŭtobuso ni atingos tiun tradician urbon kies loĝantaro estas metiistoj. Ni vizitos la grandan vendejon kaj la ejon de fabrikado de muzikinstrumentoj (tamtamoj, tamburoj, kastanjetoj, diversaj muzikiloj.). Eblas aĉeti memoraĵojn.

DT2: AGUEGUES (*la 2an de aŭgusto, sabate, je la 15-18a horo, 12,00 EUR*) signifas surteraj vilaĝoj kompare al surakvaj loĝantaroj. Estas multnombraj vilaĝoj kiuj kutime iĝas surakvaj dum la pluva periodo. Pere de boato, ni trapasos diversajn vilaĝojn kiuj situas laŭlonge de la lago Oueme kaj de la rivero So. Ni renkontos loĝantojn kiuj profesie estas fiŝkaptistoj kaj malkovros tipajn loĝejojn apud kaj sur akvo.

DT3: DANGBO (*la 1an de aŭgusto, vendrede, je la 15-18a horo, 12,00 EUR*) okcidente de Portonovo; per aŭtobuso, ni atingos naskiĝurbon de Dekano Adikpe kiu kreis la **afrikan alfabeton**; ni renkontiĝos kun liaj disĉiploj kaj vizitos la naturan kuracejon ankaŭ kreitan de li. Se sufiĉos tempo kaj estos deziro — eblas viziti ankaŭ la urbon, la varman fonton. Estas ankaŭ pliaj vidindaĵoj.

DT4: BIMYNS (*la 31an de julio, ĵaŭde, je la 15-18a horo, 15,00 EUR*) turisma centro kreita de s-ro Issa BADAROU en la jaro 1995 sude de Portonovo. Ni vizitos la centron kun ĝiaj Radio elsendo „Weke“; diversaj ludejoj kaj la Parko de sovaĝaj bestoj kiel leonoj, krokodiloj k. t. p.; bredado de ĉevaloj, dromaderoj, k. t. p.

TT: PIEDE TRA PORTONOVO (*la 3an de aŭgusto, dimanĉe, je la 9-18a horo, kosto — 20,00EUR*) ni vizitos Hogbonou (aŭ Adjathe), kreita de la reĝo Tê Agbanlin dum la deksepa jarcento. La nomo Porto-Novo aperis en la jaro 1752 kun la portugalo Eucharistus Campos laŭ kiu Hogbonou similas al la portugala urbo Porto. Ni marŝos dum tridek minutoj por malkovri la urbon de Songai ĝis la centro de la urbo kie ni vizitos la etnografian museon. Apude situas la sidejo de la nacia asembleo. Ni vizitos la nacian ĝardenon kie troviĝas centjaraj arboj. Piknika tagmanĝo en la ĝardeno. Tagmeze ni renkontiĝos kun la kooperativo de virinoj por la protektado de naturo: pere de forĵetitaj plastikaĵoj ili fabrikas uzeblajn objektojn kiel vestaĵoj, pupoj k. t. p. Ni vizitos la sklavan muzeon „da Silva“ kaj dum la resta tempo la historian muzeon Honme. Ni revenos al Songhai piede aŭ per motor-taksio „Zémidjan“. Tiuj kiuj laciĝos

marŝante, aŭ volos esplori motor-taksion, devas esti pretaj aldone pagi ĉirkaŭ 200 fcfa, ĉar origine antaŭvidita ekskurso estas perpieda.

PE: MALKOVRO DE SUDA BENINO dum kvartaga vojaĝo:

1a tago (5/08): Forveturo de Portonovo post la fermo de la Konferenco. Survoje ni vizitos la Reĝan Palacon en la urbo Kétu. Tagmanĝo. Post tarpaso de urbo Kové, ni atingos Abomey — nacia historian ĉefurbon kreitan de HOUËGBADJA en 1a deksepa jarcento. Ni vizitos GOHO kie troviĝas la Statuto de BEHANZIN, la reĝo kiu dum kvar jaroj batalis kontraŭ okupado kaj koloniigo; ni vizitos la historian muzeon en reĝaj palacoj (la muzeo troviĝas en du palacoj apud la dek ceteraj sen kalkuli la 12 aliajn privatajn), kiu ekde la jaro 1985 eniras liston de Unesko de kulturaj heredaĵoj de la mondo. Vespermanĝo kaj tranokto en Abomey. **2a tago (6/08):** Matenmanĝo kaj, survoje al Lokossa, ni vizitos Azove, la plej grandan regionan vendejon, kaj Aplahoué, la urbeton de kie Esperanto disvastiĝas en Benino. Post tagmanĝo ni brakumados pitonojn en vodua ejo en la vilaĝo EFOUIHOUË. Posttagmeze ni alvenos al Lokossa, kie vizitos la sidejon de la Afrika Oficejo kaj renkontiĝos kun esperantistoj de Lokossa kaj eventuale en Kodji. Vespermanĝo kaj tranokto en Lokossa. **3a tago: (7/08):** Matenmanĝo, renkontiĝoj kun aliaj esperantistoj, poste ni veturos al Bopa apud la lago Aheme. Tagmanĝo kaj partopreno en vodua festo Zangbeto (reĝa dumnokta gardisto), sed ni tie estos tage, ne dumnokte. Bonvolu ne timi! Bone! Ni vidos tiel kiel ĝi sin prezentas tage ĉar novuloj kiuj ĝin renkontis nokte ne plu vivas... En HOUËDA (blankuloj prononcis Ouidah) ni vizitos la muzeon pri la Sklava komerco en Dahomey (nomo de la lando ĝis la 30a de novembro 1975) — Benino. Per la sama vojo kiel la sklavoj, ni atingos la marbordon kie troviĝas nia hotelo. Vespermanĝo kaj tranokto apud la maro. En la maro naĝi ne eblas, sed en la hotelo troviĝas baseno, kiu enhavas maran akvon. **4a tago (8/08):** Matenmanĝo. Tra la malmodernaj vilaĝoj de fiŝkaptistoj ni veturos tridek km ĝis Vidjrosse kaj al Abomey-Calavi, de kie ni boate atingos Ganvie: Afrika Venecio, tute surlaga vilaĝo kun 30 000 loĝantoj. Tagmanĝo en Ganvie. Post vizito al surlaga bazono, loĝejoj k. t. p., ni veturos al Cotonou ĉirkaŭ la 17a horo aŭ revenos al Portonovo ĉirkaŭ la 18a horo. Tiuj, kiuj forflugas hejmen en tiu ĉi tago, estos veturigataj ĝis la flughaveno, kaj tiuj, kiuj restas — ĝis la hotelo.

La 41-a Konferenco de ILEI en Portonovo (Benino)

29 julio - 5 aŭgusto 2008

Instruistoj de Esperanto por la planedo Tero

Se Vi ne povas veni persone kaj ĉeesti la konferencon fizike — ni ege petas Vin *subteni* la konferencon per financa helpo kaj subvencii partoprenon de kiom eble pli da instruistoj kaj instrukapabligadon de junaj instruistoj el Afriko per enpagoj al la konto de ILEI ĉe UEA (ilek-a) aŭ al Afrika Fondaĵo de UEA, ĉiam kun indiko „Benino 2008“. Sed pli bone plenigi **aliĝilon** en <http://ilei.info/konferenco/alighilo2008.php> kaj partopreni en la unua en historio granda internacia porinstruista E-aranĝo en Afriko. **Informoj** pri la konferenco, ĝia programo, urbo, partoprenkondiĉoj en <http://www.ilei.info/novajxoj/Portonovo.php>. Se vi havas demandojn, proponojn aŭ komentojn — Vi ĉiam estas bonvena **skribi** al: **Aida Ĉiĝikaité** aidute@mail.lt (ILEI-estrarano pri konferencoj) kaj **Charles Alofa** alofkarlo@yahoo.fr (prezidanto de LKK).

B O N V E N O N !